

一九三五年

海軍部成立六周年紀念
特刊
(一)



發刊詞

陳紹寬

海軍發展之程度，與國力有聯絡關係，而經濟之盈絀，政策之趨向，社會之觀念，皆足爲海軍消長之原因，吾國海線綿長，門戶洞闢，自非有強盛之海軍，不足以固國防而禦外侮，卽就內江內河而論，航路錯綜，盜匪出沒，亦須振興海軍，方能肅清內患，保護商旅，前者姑無論矣，第自本部復興以還，遠察國際之趨勢，近觀內地之情形，固無日不以海軍建設爲職志，顧以時局多故，財政既極困難，環境復多牽掣，回顧五週年内海軍事業，雖經努力奮鬥，不無幾微進步，而按諸訓政時期之海軍固定計畫，相去甚遠，其中經過狀況，已於五週特刊中略述梗概，流光荏苒，距今又一週年，在此時期，贛省赤匪縱幸告敕平，然川湘黔等省仍復竄擾，各地土匪亦間多不靖，國際形勢，表面上似非緊張，而邊境失地之恢復，尙屬悠悠無期，外患內憂，固未稍艾，而海軍責任之重大，要未可以或忽，本部於時會艱屯之際，仍復力

發

刊

詞

排萬難，慘淡經營，就固有之物質，而及時整理，酌財力之範圍，而擇要建設，不以畏難而苟安，不因絀費而中阻，昕夕淬厲，竭力猛進，此一週年內，本部重要之工作，亦尙有足紀者，以艦隊言，如平海之定期趕造，崇甯、義甯、正甯、長甯，各艇之繼續觀成，以及新艦之設計，以航空言，如江鵬及甯海第二號飛機之告竣，第二三兩架摩斯式水陸兼用飛機之續造，陸地練習飛機之添製，製造飛機合攏廠之落成，以建築物言，如江南造船所第三塢第一期工程之就竣，及第二期工程之動工，馬尾造船所第二船塢之興建，水魚雷營新雷廠之創設，九江臨時海軍醫院之成立，象山海校基地之砌築，以教育言，如福州海軍學校之添招新生，鄭天杰等五人赴英留學，黃珽等二員之出洋肄習，第二屆無線電班學生王靜修等二十八名，及海軍航空處練習生傅恩義等八人之畢業，海軍陸隊軍官研究班之組織，至槍砲研究所之設立，海軍戰術之講演，另聘外國海軍專員，担任教授，灌輸學識，他如第五屆槍砲士兵班林壽濤等二十六名，第三屆魚雷士兵班陳則武等二十五名，及第

二屆電信士兵班陳建燦等二十名之畢業，各項練兵之先後卒業，電信練兵陳冠英等八十九名之分班學習，此外綏靖，護航，海政，軍需，軍械，人事，會操，校閱，諸大端，均經分別進行，黽勉罔懈，其新生活之一項，本軍原經實施，本週年中益爲注力，特設委員會以董其事，循序進展，日起有功，振民族之精神，彰國家之道軌，綜而言之，本部雖爲經費所限，未克爲大規模之建設，而能力所及，得寸進寸，與日俱新，總不使稍擲時光，毫無展布，凡事進行各有程序，整軍亦然，居今日而言建設偉大之海軍，財力既苦不充，人才亦虞缺乏，與其好高務遠而無成就不如量力漸進，徐圖後效，懸此的而百折不回，終有成功之一日，彼昧於事勢者，見海軍實力之薄弱，或以此爲詬病，而喪心病狂之流，轉且倡廢除海軍之怪論，豈知濱海之國，強弱存亡，胥以海軍爲樞紐，英美德意諸列強，海軍雄盛，固盡人皆知之，次則土耳其西班牙等，亦各有爭雄海上之政策，卽降而波蘭，芬蘭，瑞典，希臘，荷蘭，等國，海軍實力有限，要莫不鉤心鬥角致力海軍，以求領海之

安全，而杜他國之侵略，吾國不欲獨立圖存則已，處羣雄環峙之世界，謀自立而競生存，舍海軍建設不爲功，甲午以後，吾國海軍挫敗，其時清廷昏瞶之輩，亦有主張將殘餘軍艦，悉數出售，幸賴具有遠識之老成，堅持不可，籌議集款造艦，力圖恢復，而爲宵小所阻，不獲實行，坐令海軍實力，至今不振，以今視昔，摧殘海軍者均大有人，前後如出一轍，此可爲痛哭流涕長太息者也，國難急矣，乘此時而急起直追，猶恐已晚，及今不圖，噬臍何及，所願舉國上下，憬然自悟於國防之吃緊，同心協力，促進海軍之新建設，使得按序程功，蒸蒸日上，則豈特海軍之幸，黨國前途，實利賴之。

海軍部成立六周年紀念

寰宇澄清

海軍特別黨部題詞

海軍部成立六週年紀念特刊

詞

題

海軍部成立六週年紀念特刊

六週年紀念之感言

陳季良

去年海軍部發刊五週年紀念特刊，季良曾發表感言，而以定志意念艱危奮精神三義，揭櫫於全軍袍澤之前，流光至速，今則又屆六週年之期，前舉三義，仍當繼續貢獻，與吾軍同人，共盡衛國保民之天職。雖然，季良盱衡時局，竊爲國家海軍謀大計，仍不能不却顧旁皇，引爲危懼者，因吾國國防久弛，門戶洞開，舉全國海岸線延袤數千里間，外艦隨處可以長驅直進，靡特籐籬盡撤，抑日堂奧深入，而反觀吾國，江海餘艖，半成陳跡，比年雖有建造，數量幾微，實力既病不充，外侮如何克禦，此後吾軍同人，對於衛國保民之天職，心志固不敢懈，感痛恐所難免，蓋處此漏舟之中，風雨飄搖，欲求力挽狂瀾之策，國人固責望於吾軍同人之共濟艱難也，迴顧六週年以來，海軍工作，舉其犖犖大端者，如肅清軍閥遺孽，剿辦匪共，以及贛鄂湘閩諸役，或解散叛徒，或戡平鉅亂，協同陸軍，努力前驅，此關於軍事工作者其一，如修造各艦艇，遣派留學生，建築營院廠校場所，添造飛機，開闢船塢，補充器械等項，黽勉圖功，卒底觀成，此關於建設工作者又其一，夫處此六週年之中，內而時局倏擾，共匪猖狂，外而強鄰窺伺，險象環

生，此正所謂存亡危急千鈞一髮之秋，又政府對於海軍新建設之計劃，前後陳請，而因財政困難，未盡採納施行，而每月發給建造及餉糈各費，不無減縮，尤無異杯水車薪，幸賴海軍陳部長，苦心經營，與全軍員兵，素明大義，努力支措，以有此六週年之種種工作，雖不敢謂爲躊躇滿志，然亦成效釐然爲國人所共聞共見者也，自今以往，季良既本前舉三義，與吾軍同人，互相勉勵，並願同人益加孟晉，勿忘目前國難之危機，嘗膽臥薪，更不以海軍力量薄弱而自餒，庶幾吾軍前途，猶及爲桑榆之補，而履險如夷也歟。

海軍部成立六週紀念之感言

陳訓泳

古人有言，兵可百年不用，不可一日不備，誠以禦侮無具，即不免受制於人，所以欲弭敵國外患之憂，宜籌整軍經武之策，當閉關之世，兩軍交綏則在疆場之上，所謂兵備者，不外陸軍而已，無所謂海軍，更無所謂空軍也，際茲世界競爭，弱肉強食，欲謀所以自衛之道，則不僅在陸軍，而尤貴有海軍，夫我國之幅幘非不廣也，物產非不富也，民氣非不盛也，以今日陸軍之精神與力量，突飛猛晉，遠邁從前，應可以鎮懾一切，乃列強之鷹瞵虎視，侵略我疆土，窺伺我要害，攘奪我權利，其肆無忌憚，猶如故也，無他，陸軍不能伸權力於海上，無以戢其狡焉思逞之野心，故雖上下戮力，咸思雪恥，卒至任其憑陵，莫敢誰何者，因陸軍安內則有餘，禦外則不足，不然，東西各國，豈無精銳之陸軍，何以不惜鉅資，以厚海軍之實力，考其軍艦噸數，一國之間，多者一百四五十萬噸，少亦五六十萬噸，國際之地位，即於此判低昂焉，近雖以軍縮爲號召，實則陸海空之建設，各自鈎心鬥角，而對於軍艦之噸數，且復盡量充拓，其所企圖覬覦者，果安在乎，我國丁此時勢，縱無戰鬥之資，容無防守之具，且海岸線綿亘萬有餘里，門戶洞

關，非軍艦爲之屏蔽，焉能圖存，革命軍興以來，海軍前途，雖不無進展，但所增加之噸數，若較各友邦之實力，相距奚啻霄壤，在國內靖亂剿匪，有時尙不敷分布，一旦猝遭事變，不特領海盡受人宰制，卽沿江沿海各地，亦何所恃以自固，洞悉時局者，雖恍然於我國海軍之幼稚，必須積極擴充，無如略舉一二設施，每因款鉅難籌，束之高閣，竊思我國雖云貧弱，而地大物博，果合羣策羣力，協助政府，銳意建設海軍，我國未必無強盛之日，乃年來不急之建設，動糜鉅萬金錢，獨於海疆之大防，視爲無足重輕，不爲久遠之圖，祇作補苴之計，設非我海軍當局，憂勤惕厲，致力於艦隊之設備，軍實之補充，與夫教育，校閱，操演，綏靖諸大政，於無可籌措之內，得尺得寸，黽勉以圖，安能有此成績，廻溯本部成立，六易寒暑，時期雖短，波折孔多，我當局慘淡經營，乃限於經濟之困難，弗獲大規模之建設，未免有負苦心，茲值六週紀念之期，不禁於欣幸之餘，而感慨係之矣。

海軍與新生活運動

楊慶貞

今年爲新生活運動年，舉國奔走相告，皆以此舉爲復興民族之要着，竭全力以赴之，其成效已彰彰著明矣。海軍軍人立復興民族之最前線，其極端贊同而促成之，固不待言。本部對於是項運動，特設委員會，積極倡導，以次實施，其着着進行之績效，不俟贅陳，已爲邦人所共見，顧近時之所設施者，特以表示對於茲事之同情，藉以速其進展，而共觀厥成耳，實則海上生活，無一非新生活之表現，不俟近今之提倡，卽已行之有素，足爲全國樹之風聲也。

新生活以禮義廉恥爲綱維，而以整齊清潔樸實迅速等項，爲其推行之條件，海軍軍人在恪守軍紀風紀，自官佐以至士卒，皆由專校培成，受有相當教育，章制條例，規定綦嚴，訓練檢閱，舉行無間，管子所列立國四維，無時不加以申儆，交相勗勉，身體力行，而於新生活所條舉各節目，亦皆隨事實施，無稍疏懈，在嚮時雖未有新生活之名目，早已得新生活之實質，今則邁進不已，益臻粹密，自本部以至所屬艦隊及機關，推行新生活之成效，較之往日，尤有一日千里之勢。新生活促進會派員視察，無不表示滿意。

海軍部成立六週年紀念特刊

一二

，傳曰苟日日新日日新。循此而行，不獨全軍壁壘一新，而新民國之大業，亦由此肇其基矣。

海軍部成立六週紀念頌詞

賈勤

唐平海亂 歲書乙亥 茲逢其年 實利籌海
建設日恢 巨礎礚礚 無弊不鋤 有良必改
堅苦竟成 自有眞宰 一德一心 事半功倍
咨爾司空 勿荒勿怠 廢興相乘 翹足以待

海軍部成立六週紀念願詞

海軍部成立六週年紀念特刊

論今日宜勉效德國振興海軍

唐德忻

歐洲列強，軍縮會議，關於限制海軍噸數，各執一見，累年莫決，既成爲相持不下之局，而德國違棄凡爾塞條約，忽有宣言，霹靂一聲，寰瀛震動，西半球形勢，波譎雲詭，第二次大戰之導火線，有一觸立發之危機，稍具世界眼光者，方且怒焉憂之，乃德人不顧一切，再接再厲，且完成其造艦計劃，立建新式潛艇十二艘，三萬餘噸大戰艦五艘，并添造萬噸巡洋艦十艘，又有驚人之舉動，報紙喧傳，莫日將作階梯式之競爭，蓋軍縮會議未終，彼虞我詐，已各自補充軍實，預爲戰備矣。夫德國自一九一八年戰敗，爲城下之盟，屈服凡爾塞條約，受戰勝國之制裁，不啻拘繫其手足，使其一身，無轉動之能力，曾幾何時，蹶然起立，振臂一呼，網縛盡脫，而其第一步計劃，卽爲振興海軍，英日力謀控制，亦惟擴張海軍，海軍之於世界，顧不重哉。特是英國海軍，其噸數達一百三十餘萬，日本海軍，其噸數亦近百萬，猶亟亟擴張，惟恐稍落人後，吾國海軍噸數，區區三萬餘，直等於零，然則宜如何規劃振興，力圖自強耶，溯自本部成立，以迄今茲，艦艇噸數，歲有增加，本年度，則十甯建設，已竟全功，平海工程，行將過半，此外

水陸飛機等，亦屬各有增設，在本軍當局，艱難締造，慘淡經營，積歲計功，其推進已不遺餘力，然以言謀國大計，則海上武器，較之列強，不啻一與三四十之比例，其實力如是薄弱，而以吾國海岸線之綿長，藩籬盡撤，設備毫無，一旦海疆有事，敵人隨在皆可以侵入，往者九一八之變，鄰兵壓境，舉國囂然，徒手空拳，無從捍衛，坐使遼東四省，盡淪敵手，國人受茲巨創，當亦恍然於國防之宜重，海軍之當興矣，方今人爲刀俎，我爲魚肉，萬不容泄泄沓沓任人宰割而待斃，亟宜萃集羣策羣力，忍痛負重，爲未雨之綢繆，固我國防，張我海軍，自振拔以圖存，夫以德國今日之環境，及其財力，未必遠勝於吾，彼則宣言廢約，海軍立興，吾四萬萬之同胞，具有血氣，甯不奮然而興，效法彼邦，勉籌大計，共挽垂絕之危機也耶。